



BASES AULA DE TEATRO MUNICIPAL DE BARBADÁS CURSO 2018-2019

O obxecto das presentes bases é regular a Aula de Teatro Municipal de Barbadás que se oferta a través da Concellaría de Cultura do Concello de Barbadás,

- **Obxecto**

O obxecto da aula de teatro municipal de Barbadás é achegar as distintas técnicas teatrais á poboación de Barbadás así como establecer espazos de creación, socialización e utilización do tempo de lecer entre as persoas que acudan á actividade.

- **Destinatarios e destinatarias**

As actividades da aula de teatro municipal van dirixidas a aquelas persoas que desexen iniciar ou perfeccionar distintas técnicas relacionadas con esta actividade.

- **Organización e número de prazas**

Ao longo de cada curso ofertaranse un total de 45 prazas que se dividirán nos seguintes grupos:

- . Aula de teatro infantil: Dirixida a nenos e nenas a partir de 7 anos e ata 12 anos.
- . Aula de teatro xuvenil: Dirixida a mozos e mozas a partir de 12 anos ata 18 anos
- . Aula de teatro para persoas adultas: Dirixida a persoas adultas a partir de 18 anos.

En cada un dos grupos o número máximo de participantes será de 15 persoas.

- **Solicitudes**

As solicitudes poderanse descargar na páxina web do concello www.barbadas.gal ou recollelas na Casa de Cultura Manuel María ou nos rexistros das oficinas municipais da Valenzá ou da Casa do Concello en Barbadás.

Unha vez cuberta a solicitude, entregarase nos rexistros municipais (oficinas municipais da Valenzá, Casa do Concello ou Policía Local) ata o luns, día 24 de setembro de 2018.

- **Admisión de solicitantes e listas de agarda**

No caso de existir maior número de solicitantes que de prazas ofertadas os criterios de preferencia para a admisión serán os seguintes:

- Ter asistido como alumno ou alumna á aula de teatro o curso anterior.
- Estar censado ou censada no concello de Barbadás.
- Orde de entrada da solicitude



En caso de empate entre dous ou máis solicitantes, a adxudicación da praza realizarase mediante sorteo ao que poderán acudir os/as afectado/as e en presenza de polo menos dous traballadores/as da Casa de Cultura Manuel María.

Os e as solicitantes que queden sen praza pasarán a formar parte dunha lista de agarda. A orde da lista de agarda levarase a cabo tendo en conta o criterio de orde de entrada da solicitude. As listas provisionais de admitidos/as e a lista de agarda, se a houber, publicarase na páxina web do concello e nos taboleiros da Casa de Cultura Manuel María o mércores, día 26 de setembro de 2018.

O listado de persoas admitidas e de agarda ordenarase en base aos criterios sinalados no parágrafo anterior.

- **Horarios e espazo**

A aula de teatro municipal desenvolverase no salón de actos (auditorio) da Casa de Cultura Manuel María no horario que se estableza ao longo de cada curso.

En todo caso, cada grupo terá un horario propio de 1 hora semanal.

As clases darán comezo o primeiro día habilitado do mes de outubro e rematarán o 31 de maio ou o día máis achegado a esta data en función dos horarios establecidos.

- **Listas de agarda**

As listas de agarda serán ordenadas por orde de entrada das solicitudes. De producirse algunha baixa procederase ao chamamento por lista de agarda. O chamamento será mediante chamada telefónica e ofertarase a quenda da baixa correspondente.

Considerarase que se desestima o chamamento no caso de non aceptación da proposta, a non recepción de contestación telefónica no prazo de 48 horas ou a non realización do pago correspondente prorrateado desde o momento da aceptación.

- **Organización**

Esta actividade está organizada pola Concellaría de Cultura do Concello de Barbadás. A Concellaría de Cultura resérvase o dereito a realizar os cambios oportunos que poida considerar precisos para o correcto funcionamento da actividade.